

明武宗實錄

卷一五二至一九七

正德十二年八月至十六年三月

明武宗毅皇帝實錄卷之一百五十二

正德十二年八月甲辰朔上微服從德勝門出幸昌平外廷
猶無知者次日大學士梁儲蔣冕毛紀追至沙河上疏曰臣等
昨在闕見午未散候至申刻始出道路相傳以爲聖駕清
晨出至教場尋幸天壽山臣等聞之心膽戰驚莫知所指今
儲副未建人心危疑車駕輕出誰與居守又各衙門一應題奏
本并太常寺當奏祭社稷及先師孔子此等禮儀尤爲重大
不知何所請旨臣等職叨輔導實不遑安謹詣行在俯伏奏請
聖駕即回以安人心上不納乃還○巡關御史張欽言武傳
陛下欲出居庸關趣宣大廷惟天子舉動所繫不小或欲親征
虜寇宜先下詔大廷共議必不得已而出亦宜戒期清道百官
扈從令者皆不聞而輕騎潛行萬一姦人有假竊陛下名號

欲過關誘引胡人以危社稷者何以防之臣職守關陛下
即欲出生萬死不敢奉詔是奏達於朝上亦下問也○設雲
南平夷衛儒學從點國公沐崑請也○授故都御史陳天祥子
邦政為錦衣衛百戶世襲邦政援父山東貴州殺賊功陳乞兵
部議不可特許之○陞貴寧夏同原延綏等處有功并陳亡官
旗舍人王初等三十六百五人有差○丙午禮部尚書毛澄等
言臣等先於七月十八日風聞皇上將巡郊甸已嘗具疏勸
止繼知傳言之妄方切喜幸今月初二日道路籍籍皆云聖
駕已幸昌平中外憂疑莫知所指臣等竊惟聖心慎重必不
肯遽離闕庭特以昌平陵寢所在霜露之感切於湘東將欲
躬視松楸一展誠孝而已竊計經宿以來禮意已盡原野之外
環衛闕疎衆心懸懸不勝瞻戀伏望思宗社付托之重念朝

建機務之繁早為旋輝則孝思以伸庶政惟舉神靈悅而億兆
寧矣是日給事中汪玄錫御史王瀚洵成國公朱輔英國公張
崧寧陽侯陳繼祖駙馬都尉馬誠秦安伯張富皆疏請回鑒不
報○巡撫湖廣右副都御史秦金等言近有旨取鱣鯉魚秋令
湖廣頻年災傷川襄泛溢溺沒千里飢者資食菱芡鬻及兒女
此令一出貧吏束之指一科百民其能堪且鱣鯉大者千斤小
亦數十百斤生育巨海非池沼中物也僭使採取以進物違其
性中途必不能活雖罪解送之吏飼守之人亦無所致力祇增
慙怨耳不聽○丁未釋奠先師孔子大學士毛紀奉命行禮○
戊申祭太社太樞太傅定國公徐光祚奉命代行禮○大
學士梁儲等言聖駕遠出巡幸臣等至沙河奏請還宮未允
臣等憂思迫切周知攸指伏念居守無人機務至重即日旋駕

曰京以上解 兩宮太后之憂下副中外臣民之望臣等願導
無狀不能積誠諫止罪宜萬死乞先罷黜以謝天下不報口掌
詹事府事禮部尚書兼翰林院學士李選學翰林院侍讀徐緝
修撰楊慎等各言在昔人君輕舉妄動非事而進則必有意外
之悔今 皇天所付之中國在 陛下 祖宗所傳之位器在
陛下 兩宮之孝養在 陛下 臣民之覆庇在 陛下 系之何
其不重且慎也夫以匹夫之微過百里之外尚且囊衣裹以禦
寒暑佩弓刀以備盜賊 陛下暴衣露蓋曾不顧惜此臣等之
所未解也 陛下初謀此行畿內連月大雨及車駕至昌平京
城盡日大風揚塵此非偶然蓋天心仁愛 陛下欲留止其行
也人言縱不足聽天意獨不可畏乎周穆王窮海遠遊致有和
招之箴漢武帝深夜微行致有逆旅之辱前鑒不遠惟 聖明

深念之不報。○山東萊川府地震。○己酉 上欲出居廣關不
果乃自昌平還幸諸御馬房。○禮部尚書毛澄等言臣等近具
疏請還宮俟命三日乃聞 聖駕還至近郊臣等不勝喜幸以
為旦夕得侍 天顏奔趨迎候不遑寧處今者太監蕭敬傳諭
聖意令臣等用心辦事勿出迎候臣等仰感 聖慈俯懷兢惕
竊惟 陛下承 祖宗列聖之基為華老萬姓之主六師不備
遠遶法宮內無近親之托外有事變之虞而臣等各守職司不
得執羈勒而扞牧固若鑒與一日不還則臣子之心豈能一日
自安哉伏望聖頒旋軫之期永保端居之福特給事中張漢卿
朱鳴陽邵錫監察御史李潤王堯封李鎮成國公朱輔壽寧侯
張鶴齡瑞安侯王源都督同知張蘭俱疏請亦不報。○夜東方
流星如盞色青白起天倉東南行至近濁。○辛亥先是傳旨以

代府臨邊天氣苦寒又將軍以下類多不法令廷臣議別擇府第遷之於是大學士梁儲等言祖宗以來分封藩國規制已定不宜輕議遷改永樂初寧府自大寧遷江西遼府自廣寧遷湖廣蓋其皆姓殷富府庫充實徵發不難況分封未久宮眷不多所居宮室亦易營辦弘治間壽王自保寧遷于湖廣宮眷亦少又宮室皆已成者僅畧修飾而為費已不貲民已愁怨矣今代府十餘年前所生子已五百七十餘人女已三百餘人歲復一歲益加衆多此之三府事體大有不同若欲別遷其親王郡王必須蓋造殿宇將軍中尉儀賓以下亦須給之房屋今公私耗竭軍民困憊不知此費從何出辦况營建乾清坤寧二宮大役方興百需未備若一旦又有此舉民力決不能堪非惟逼迫逃亡抑恐激成他變伏望皇上念國家大計利害不小特賜

採納停止前議天下生靈不勝至幸○壬子大學士梁儲蔣冕等復言初六日太監蕭教傳諭謂聖駕一二日即還宮自初六至今又踰四日恭候回鑾未有定期中外臣民不勝瞻戀臣等備員內閣義關休戚臣輔無能徒切慚愧伏望即回鑾以安衆心宗社生靈幸甚是日戶部尚書石琚亦以是為言不報○兵部言畿輔今歲水災吳常民窮盜起勢所必至請如近例於直隸河間府地方暫設總兵官一員大名等府山東武定等處各兵備官一員從之○有分守開原太監王秩罪罰叅將孫崇休兩月以虜入寇失於防禦也○癸丑大學士梁儲等言聖駕遠出巡幸經旬未返臣等職忝輔導不獲與扈從之列連日出郊迎請未睹聖顏冒勝瞻戀伏望思宗社之重寧舍居守之無人上體兩宮太后倚望之深下憫中外臣民仰戴

之切即日回鑒以慰人心臣等不勝待罪俟命之至○甲寅石
軍都督府都督同知楊英卒英湖廣黃陵縣人初襲陞萬全都
司都指揮僉事尋充獨石右叅將轉協守寧夏副總兵會慶府
真鑄叛遣其黨撤黃河渡船英方以警水也楊顯堡達率將士
奪之不免走靈州於是陞右府署都督僉事充總兵官陞延綏
官軍一千五百人謀為未幾遊擊將軍仇斌謀執真鑄英密約
為內應反寧夏平其部下斬獲功最多乃實授都督僉事累陞
今職掛平蠻將軍印鎮守湖廣地方至是卒賜祭葬○乙卯戶
部官祭太倉之神順天府官祭宋丞相文天祥俱如常儀○丙
辰晚 上還豹房○丁巳大學士梁儲等言昨者 聖駕歸自
近郊中外人心無不歡慶臣等伏惟 皇上遠出旬又三日請
於 奉先殿 奉慈殿親行祭告次詣 兩宮詣見 聖祖母

聖母然後御門視朝使大小工匠禮拜 天顏得以遂其依戀之誠自今以後尤望慎重起居勿輕出入以益延國家億萬載無疆之福○增設青州府通判 員于顏神鎮防礦賊也○命都督同知張璽充總兵官鎮守河間等處地方○陞都督僉事馮大經為都督同知以寧夏等處禦虜部下有功也○戊午 上夜御奉天殿親朝○以災傷停徵順天保定淮揚等府及河南山東十一年拖欠寄養備用馬匹○陞後軍都督府帶俸都督同知神周為右都督僉書管事周起自罪謫日以巧媚取恩遇至是復假榆林功得陞○陞錦衣衛指揮使齊佐為都指揮僉事佐錢寧等也從太監廖堂於陝西谷大用於山東及姚源等處累冒功陞指揮使至是復以陝西重陞總旗功乞改正得陞○己未巡撫僉都御史李瓚奏河間保定真定大名四府所屬

州縣并廣平順德二府俱有水旱災乞賑濟戶部議以先年整飭邊備侍郎趙璜未支銀五千四百六十餘兩河間府德州原剩倉糧三千五百一十餘石涿州易州鹽山等縣寄庫折糧聚二萬二千五百兩茂山衛地畝銀七千八十兩給之詔可○庚申江西大庾縣賊陳曰能等與上猶潯頭諸賊盤據山峒屢出剽掠攻南康勢愈猖獗都御史王守仁督兵備副使楊璋等潛師以入乘夜縱火破賊巢十九處擒曰能斬獲五百六十餘人捷聞詔賞守仁銀二十兩綵幣二表裏陞璋俸一級有功官軍及失事人員巡按御史併覈以聞○命立祠祀烈女何氏何氏泗州人年十六其父母鬻之倡家有欲犯之者何不可乃自刎而死提學御史賈如金請為立祠許之○大學士梁儲等言伏自聖駕謁陵之後中外士民懸望回鑾莫不心懷憂懼寢食靡

寧近日獲觀 聖駕還宮視朝聽政又莫不歡忻鼓舞交相慰
賀臣等見羣心如此已有不勝其慶幸者矣然尚有榮養微誠
未能上達今前星未耀儲位尚虛上未有以慰 兩宮聖母之
心下未有以副百官萬民之望此天下之大事 宗社之大計
不可不早定而預處者也伏望 皇上先白于 兩宮聖母次
召皇親公侯駙馬伯第五府六部都察院通政司大理寺及翰
林院詹事府六科十三道等官羣集于朝詔以大義俾於宗室
中推舉近屬之相應者一人具奏上請然後斷自 聖心告于
天地 宗廟 社稷迎取東京教養成就俾之問安侍膳司青
內殿以待他日元子誕生然後出封藩服如此則恩至義盡言
順事行人心悅而天意從矣臣等漏員輔導義同休戚事有關
於安危大計者安敢不昧死言之伏望 聖明俯垂鑒納即賜

施行 宗社幸甚後九日復以為請皆不報○辛酉以貴州株
辦大木停免清平等衛所正德十一年額造軍器○壬戌
留鳳陽秋班京操官軍本處操備以水災故也○癸亥罷台北
口白羊口黃花鎮防守官軍以虜退故也○陞廣東左布政使
吳廷舉為都察院右副都御史往湖廣賑濟先是巡撫都御史
秦金奏武漢荆岳黃襄德常安沔等府州并所屬縣俱水災請
遣大臣發銀賑濟下戶部會廷臣議遂以命廷舉其賑濟事宜
一今歲南京兌運糧米視上年例折銀起解漢陽荆岳常德等
府兌軍糧令徐淮等倉支運其餘稅糧子粒暫且停免江西浙
江福建贛蜀并廣東鹽斤舊貨銀兩俱許支用一王府祿米并
解京鹽鈔物料拖欠者停止其王府房價墳價膳襖軍器既足
綾紬白綿等料仍量為寬減一廩膳生員納銀二百兩增廣二

百八十附學三百四十江西浙江各七十名南直隸百名准於
湖廣上納湖廣三司承差知印等各衙門納銀多寡亦如正德
十年例其生員不願出仕兩考吏不願赴京者納銀二十兩許
以冠帶榮身一湖廣所屬衙所指揮納銀五十兩千戶所鎮撫
四十兩百戶所鎮撫二十兩免比試總旗十兩小旗半之免併
鎗所納以充柳桂等處軍餉一陰陽醫生僧道或仕宦子孫良
家子弟納銀五十兩者起送入選免考俱如議行。是夜南京
祭歷代帝王風雨大作雷震死齋房吏。甲子祭太歲風雲雷
雨徹鎮海濱山川等神遣定國公徐光祥行禮。遣旗手衛官
祭旗壽之神。陞山西按察司僉事徐道為本司副使。廕巡
撫陝西右副都御史蕭紳子世功為國子生。命成國公朱輔
南京守備仍掌南京中軍都督府事。詔發南京倉糧二萬石

賑給應天府江寧上元等八縣仍免其糧稅以災傷故也。乙丑
憲宗純皇帝忌辰 奉先殿行祭禮遣駙馬都尉林岳祭
茂陵。德王見溝薨王 英宗睿皇帝第二子母宸妃萬氏正
統戊辰生天順丁丑封于山東之濟南國號曰德成化丁亥之
國至是薨年七十計閏祔朝三日遣官祭葬如制諡曰莊。重
興寺國師都綱完卜堅贊列已等并番僧管普藏等貢方物賜
宴給賞如例。丙寅 上復衣出德勝門趨居庸。廢故禮
右侍郎汪諧孫師夔為國子生。鄭府真丘王見消薨王簡王
第十二子母俞氏成化乙巳生弘治丁巳襲封真丘王至是薨
輟朝一日賜祭葬如例諡曰榮隱。丁卯治湖廣彬桂等處失
事罪叅將史春指揮胡昂等俱逮問左布政使周季鳳核察副
使憚龍署都指揮僉事文恭奪俸三月。江西南昌縣火燬居

民幾三百家。○戊辰調右軍都督府掌府事會昌侯孫銘中府
掌印管事提督神機營如故。○召鎮守兩廣武定侯郭勳還京
總管三十營操練。○陞都督同知張蘭為右都督蘭太監銳姪
也冒功累陞至都督同知以陝西功乞改正許之。○初建州三
衛夷人侵犯邊境降勅撫諭至是納款兵部議請仍諭鎮巡等
官不宜弛備從之。○己巳陞浙江按察司按察使何天衢為浙
江布政司右布政使廣東右叅政張恩為福建右布政使。○國
子監祭酒魯鐸以疾請告許乘驛歸仍令有司候病愈具奏。○
庚午命荅陵衛署都指揮僉事王廷爵充右叅將分守靖州等
處地方荊州衛指揮同知戴英守備彬桂地方。○命崇信伯費
柱右軍都督府掌印提督三十營如故。○辛未上度右肅關
遂寧宣府令太監谷大用守關無縱出者。○初給事中員缺吏